



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

An Deus etiam reputet pro operibus bonis, quæ vel verbaliter aut  
literatliter non præcepit. tit. 158

**urn:nbn:de:hbz:466:1-29452**

viro, qui ædificat domum suam &c. Et Paulus Ro-  
 ma. 10. postquam dixit, Corde creditur ad iustitiam,  
 &c. inquit: Non omnes obediunt Euangelio, &c.

**AN DEVS ETIAM REPUTET**  
*pro operibus bonis, quæ vel verbaliter aut  
 literaliter non præcepit.*

TITVLVS CLVIII.

**NOTA** Ndum primò, quòd nullum opus  
 dari potest, quod non sit compræhen-  
 sum sub operibus præceptorum Deca-  
 logi: omnia enim illuc referri possunt,  
 et non literaliter exprimantur, siue sit  
 cantus, organum, fistula, peregrinationes, vestitus,  
 ieiunium, indulgentiæ, feriæ, delectus ciborum &c.  
 hæc omnia ex fide & dilectione Christi, ad laudem &  
 gloriam sui nominis, non in finem iustificationis,  
 sunt. Nec incipimus ab illis operibus esse boni & iu-  
 sti, sed iam iustificati fide, illa facimus, & iustificatis  
 præcipitur vt decalogum seruent, corpus castigent &  
 offerant, Rom. 12. ieiunent, orent, Matthæi 6. Sub istis  
 nam operib. & cæremonijs præcepta Dei seruamus.  
 Præcepta sunt nucleus, hæc testa, Matt. 23. Hæc oportet  
 facere, & illa non omittere.

Secundò, Nullū opus placere Deo, nisi quòd Chri-  
 stus proprio ore vel scriptis præcepit, expressè falsum  
 est. Nam cibus, potus, vestitus Ioannis baptistæ, non  
 fuit præceptus illi, Matthæi 3. at nunquid displicuit  
 Deo? & eratne inane & frustraneum? Absit, alioqui  
 non fuisset commendatus à Christo, Matthæi 11. Sic  
 cibus Regis non fuit comestus à Daniele, cum omnis  
 creatura sanctificetur oratione & verbo, 1. Timoth. 4.  
 Nunquid frustra id fecit Daniel, aut cum displicen-  
 tia Dei? Absit, alioqui non dedisset ei Deus Spiritum  
 sapientiæ, nec liberasset à camino ignis & lacu leo-  
 num, Daniel. 3. 6. & 14. Sic Iudith non manducat de  
 cibo Ho-

B B b



cibo Holofernis, sed nunquid illi Deus prohibuit? Minime, alioqui non amputasset caput Holofernis, Iudith 13.

Sic filij Rechab non biberunt vinum, nec edificauerunt domum, neq; agros aut vineam. At nunquid hæc præcepit Deus? aut malè egerunt? Absit, immo propheta Ieremias arguit Iudæorum negligentiam per horum obedientiam, Ierem. 35. Sic Dauid ordinauit absq; præcepto Dei cultum cum cantoribus, 1. Paral. 25. Sic Ezechias ordinauit varia genera Mulierum, 2. Paralip. 29. Surgit media nocte, Psalm. 118. Sed omnia hæc nùm præcepit illi Deus aut lex Moysaica? Sic vidua in templo vacat ieiunijs & orationibus die & nocte, sed quis illi præcepit? nunquid non fuit bonè opus? Cur ergo datur illi & reuelatur, quòd puer hic sit Christus? Sunt ergo & alia multa bona opera, quæ cet non expressa, &c.

Tertiò, Dei præcepta quòd sunt per ordinem humanam, vel cæremonijs, ad decorem & maiestatem præcepti vt ieiunium, orandi & feriandi. Tunc fit certis diebus, ibi non est pura traditio humana. Ideò si quis reiicit cæremoniam, etiam ipsam reijcit, ordinis causa institutum reijcit. Sic si reiicit monachatum, etiam obedientiam & castitatem, & puritatem reijcis, quæ opera & Christus seruauit ad laudem patris sui, & scriptura hæc omnia commendat. Inuidia ergo hæretica omnia condemnat.

### OPUS PROPITIATORIUM

& opus Eucharisticum, quomodo discernuntur.

#### TITVLVS CLIX.



Notandum primò, quòd solum est verum opus propitiatorium, id est, placans iram Dei, & saluans, impetrans gratiam Dei, scilicet, mors & victimæ Christi, &c.